

Na osnovu člana 22. i člana 23. Statuta Biciklističkog saveza Bosne i Hercegovine sačinjava se:

ZAPISNIK

2. sjednice Skupštine Biciklističkog saveza Bosne i Hercegovine

koja je održana u Mostaru, u prostorijama Gradske vijećnice 21.12.2024. g. sa početkom u 12.00 sati.

Skupštinom zbog sprječenosti Predsjednika Skupštine Biciklističkog saveza Bosne i Hercegovine g. Gorana Guske predsjedava g. Tihomir Kvalja kao najstariji delegat u Skupštini Biciklističkog saveza Bosne i Hercegovine.

Nakon pozdravne riječi g. Kvalje izabrana je Verifikaciona komisija u sastavu: Biljana Krtalić, Adnan Mekić i Mirnas Mujezinović koja je ustanovila da je prisutno 14 delegata iz Biciklističkog saveza Federacije Bosne i Hercegovine i 5 delagata Biciklističkog saveza RS-a te da shodno članu 23. Statuta Biciklističkog saveza Bosne i Hercegovine postoji kvorum za održavanje sjednice Skupštine i donošenje odluka na sjednici Skupštine.

Za zapisničara je jednoglasno izabran Admir Hadžić.

Dnevni red sjednice Skupštine:

1. Usvajanje zapisnika sa prethodne –izborne Skupštine,
2. Izvještaj o radu Saveza za 2024. godinu, podnosi predsjednik Toni Zorić,
3. Izvještaj komisija za drumski/cestovni i brdski biciklizam, podnosi selektor
1. reprezentacije BiH Adnan Mekić,
4. Izvještaj sudijske organizacije, podnosi predsjednik Mirnas Mujezinović,
5. Finansijski izvještaj, podnosi Generalni sekretar Vladimir Kvalja,
6. Izvještaj Nadzornog odbora, podnosi predsjednik Dositej Perić,
7. Plan aktivnosti za 2025. godinu:
 - Kalendar takmičenja
 - Kotizacija
 - Prijem novih članova
 - Ostalo
8. Razno

Prijedlog dnevnog reda Skupštine je jednoglasno usvojen.

1. tačka dnevnog reda – Usvajanje zapisnika sa prethodne - izborne Skupštine je odgođeno za narednu sjednicu Skupštine iz razloga nedostavljanja izvještaja od strana predsjednika Skupštine.
2. tačka dnevnog reda – podnosi Toni Zorić, predsjednik Saveza: nakon pozdravne riječi ukratko je izenseno sve ono što je urađeno u protekloj 2024. godini i što se nalazi u izvještaju koji je dostavljen delegatima. Izneseni su detalji o provedenom UCI trening kampu za trenere, o dobijenim sredstvima i njihovom korištenju, o planovima za ovu godinu i potrebama održavanja trening kampova za djecu, o prijavama utrka prema UCI u svrhu rangiranja naših klubova i takmičara.

Zaključak: Izvještaj je usvojen jednoglasno

3. tačka dnevnog reda – izvještaj komisije za drumski i brdski biciklizam podnosi Adnan Mekić, selektor reprezentacije Bosne i Hercegovine. Izvještaj je dostavljen delegatima uz poziv za sjednicu Skupštinu te se selektor kratko osvrnu na nastupe takmičara na utrkama na kojima je reprezentacija nastupala. Kao problem je istaknuo način finansiranja odlaska na takmičenja, kao i opreme i dijelova za takmičare, te nepoznavanje osnovnih UCI pravila od strane takmičara, na što posebno treba obratiti pažnju u narednom periodu.

Zaključak: Izvještaj usvojen jednoglasno.

4. tačka dnevnog reda – izvještaj sudijske komisije predstavio je nacionalni komesar Mirnas Mujezenović. Izvještaj je dostavljen uz poziv za sjednicu Skupštine te je samo izloženo koliko je utrka održano u prošloj godini, 5 cestovnih i 16 XC utrka. Kao problem istaknut je nedostatak cestovnih utrka kao i potreba blagovremenog donošenja novog Pravilnika o takmičenju. Komesar je također iznio ocjene za pojedine utkre i pokazao primjer kako treba i kako ne treba organizovati utрку.

Zaključak: Izvještaj usvojen jednoglasno.

5. tačka dnevnog reda – Finansijski izvještaj podnio je Tihomir Kvalja umjesto generalnog sekretara koji nije bio prisutan na sjednici Skupštini. Prikazani prihodi i rashodi iz protekle godine, kao i stanje na računima, domaće i ino valute, i predstavljene obaveze Saveza za 2025. godinu.

Zaključak: izvještaj usvojen jednoglasno.

6. Tačka dnevnog reda – izvještaj Nadzornog odbora predstavio je član Albedin Žigić, koji je ukratko iznio detalje o radu Saveza i da nisu uočene neke nepravilnosti u poslovanju Saveza.

Zaključak: izvještaj usvojen jednoglasno.

7. tačka dnevnog reda – Plan aktivnosti za 2025. godinu:

- Kalendar takmičenja – Toni Zorić predstavio plan za prijavu utrka i rokove, kao i činjenicu da se moraju poštovati rokovi koje je UCI odredio za NCH. U raspravu se uključilo dosta delegata vezano za termine utrka kako bi utrke bilo optimalno raspoređene tokom cijele sezone, a ne da imamo mjesec u kojem se vozi 5-6 utrka, a onda naredni nema nijedne. Donesen je zaključak da se mora ograničiti broj utrka za PL, da utrke koje nisu zadovoljile organizacijom protekle godine ne budu ove godine kao PL već kao amaterske ako se prijave i da se vodi računa o svetkovinama kako ne bi na neki vjerski ili državni praznik bila organizovana neka utrka.
- Kotizacija za licence- kao i do sada biti će redovne cijene za prijave do roka i vanredne za naknadne prijave. Licence se neće štampati već samo elektronske će se koristiti na utrkama, a svi će dobiti na mail svoje licence i moći ih sebi printati po potrebi.
- Prijem novih članova – kao i do sada Skupština odlučuje po ovom pitanju, odnosno mora se biti član entitetskog saveza kako bi se postalo članom Biciklističkog saveza Bosne i Hercegovine.

8. tačka dnevnog reda – rasprava o takmičenju, o disciplini i disciplinskoj odgovornosti svih učesnika na utrkama i izvan utrka, o kotizaciji za utrke i potrebi da se uvede jedinstvena osnovna visina kotizacija za sve utrke, a ne da imamo od besplatnih do utrka sa cijenom od 60 KM koju neki klubovi ne mogu ili teško da mogu platiti pa i ne dođu na tu utrku. Također, raspravilo se o vremenu prijave na utrke i određivanju krajnjeg roka za prijavu kako se ne bi organizatore dovodilo u neugodnu situaciju da se većina takmičara pojavi na samoj utrci bez prethodne prijave.

Završeno u 14:30 sati.